

08.05.2018թ.

ՄԵՎԱՆ ՀԱՄԱՅՆՔԻ ՂԵԿԱՎԱՐ ՍԱՐԳԻՍ ՄՈՒՐԱՂՅԱՆԻ ՇՆՈՐՀԱՎՈՐԱԿԱՆ ՈՒՂԵՐՁԸ ԵՐԿՐԱՊԱՆՈՒԹՅԱՆ ՕՐՎԱ ԱՌԹԻՎ

Այսօր Երկրապահի օրն է՝ երկիր պահող ու պաշտպանող, հայրենի հողի շունչը զգացող ու այդ հողից ուժ ստացած մարդկանց տոնը:

Հարգարժան Երկրապահներ

Մեզ պարտադրված պատերազմի թելադրանքով, հայրենիքի կանչով դուք նետվեցիք կենաց ու մահու կռվի՝ դառնալով ուժի, արիության ու խիզախության օրինակներ, ամեն ինչից վեր դասելով երկրի անվտանգությունն ու խաղաղությունը:

Ժամանակի թելադրանքով երկրապահ դարձած տղաները ստանձնեցին հայրենիքի սահմանները, Արցախ աշխարհը պաշտպանելու սուրբ գործը: Նրանք դարձան ազատամարտիկ ու մահապարտ, երկրապահ ու զինվոր, հրամանատար ու նահատակ:

Միրելի երկրապահներ

Դուք հայրենասիրության և հերոսության կենդանի օրինակ եք ու լավ գիտեք խաղաղության գինը, ինքներդ եք այն նվաճել ձեր զենքով ու հավատով, ձեր անձնուրաց պայքարով ու կյանքի գնով:

Ձեզանից յուրաքանչյուրը այս երկրին տվել է ամենաթանկը՝ մոտեցնելով հաղթանակի օրն ու խաղաղությունը:

Փառք նրանց, ովքեր ընկան մարտի դաշտում՝ փրկելով հող հայրենին և իրենց հայրենակիցների կյանքը:

Երկրապահ դարձած սևանցի տղաների սխրանքներն ու հերոսացումը շարունակվեցին 2016թ-ի ապրիլյան քառօրյայի ընթացքում:

Ճակատագրական այդ պահին, գիտակցելով պատասխանատվության իրենց չափաբաժինն ու մարտի դաշտում իրենց դերը, առաջնագիծ մեկնեցին նաև սևանցի երկրապահները՝ հայրենիքն ու նրա պաշտպանությունը վեր դասելով ամեն ինչից՝ իրենց փորձով, իրենց իմացությամբ դառնալով ամուր հենարան ու զինակից երիտասարդների համար:

Մայիսը հաղթանակների, ազգային զարթոնքի ամիս է, որի մեջ խտացված են հայ ազգի լավագույն նպատակներն ու երազանքները:

Հարգելի երկրապահներ

Ցանկանում եմ, որ լինեք խաղաղ օրերի զինվորներ, արարեք և աշխատեք՝ վայելելով ձեր և ձեր նահատակված ընկերների կողմից նվաճված այնքան թանկ խաղաղությունը: Միշտ մնացեք ձեր վեհ ու ազատատենչ գաղափարների կրողները՝ դառնալով օրինակ սերունդների համար:

Մաղթում եմ բոլորիդ առողջություն, բարեկեցություն, ապահով և արժանապատիվ կյանք, քանի որ ձեր կյանքով ու պայքարով բազմիցս եք ապացուցել, որ երկիրն ուժեղ է և անպարտ ձեզ նման հայրենասեր և անձնուրաց տղաների շնորհիվ, ովքեր այս երկրի պաշտպանն ու տերն են: